

# Uniun da dunnas Disentis/Mustér



## STATUTS

### I. Num, fundaziun, sedia

Num	Art. 1	<p>Sut il num Uniun da dunnas Disentis/Mustér exista in'uniun - fundada egl'emprems quartal dil 20avel tschentaner – tenor art. 60ss CCS cun sedia a Disentis/Mustér.</p> <p>Questa uniun ei in'uniun locala dall'Uniun catolica da dunnas dil Grischun UCDG ed ei aschia affiliada a l'Uniun svizra dallas dunnas catolicas USDC.</p>
-----	--------	--

### II. Intent ed incumbensas

Intent	Art. 2	<p>L'uniun ademplescha incumbensas en la societad e representa surtut ils interess dallas dunnas. Ella ei in'associaziun da dunnas cun spért cristian. Quei che pertucca la politica da partida ei l'uniun neutrala.</p>
Incumbensas	Art. 3	<p>Las incumbensas dall'uniun ein:</p> <ul style="list-style-type: none"><li>3.1 Porscher allas dunnas formaziuns en secturs persunals, politics e culturals e religius</li><li>3.2 Promover la conresponsabladad e la condecisiun dallas dunnas en fatgs publics</li><li>3.3 Representar ils interess dall'uniun e da sias commembras</li><li>3.4 Surprender incumbensas socialas</li><li>3.5 Tgitar la cuminonza e la solidaritad denter dunnas</li><li>3.6 Collavurar cun autras uniuns ed instituziuns da dunnas communalas e regionalas</li><li>3.7 Collavurar cun l'Uniun catolica da dunnas dil Grischun UCDG e l'Uniun svizra dallas dunnas catolicas USDC</li></ul>

### III. Commembradi

Commembras	Art. 4	<p>Commembra dall'uniun sa daventar mintga dunna naven digl onn ch'ella cumplenescha 25 onns cun pagar la contribuziun annuala e ch'ei prompta da gidar a realisar las incumbensas numnadas sura. Las decleraziuns d'entrada ein da drizzar ad ina commembra dalla suprastonza. Demissiunar pon las commembras a bucca u en scret sin la fin d'in onn.</p>
Organs	Art. 5	<p>Ils organs dall'uniun ein:</p> <ul style="list-style-type: none"><li>A la radunonza generala</li><li>B la suprastonza</li><li>C las revisuras da quen</li></ul>

## IV. Organisaziun

### A la radunonza generala

Radunonza generala	Art. 6	Igl organ suprem ei la radunonza generala che ha liug mintg'onn duront igl empren quartal. Radunonzas generalas extraordinarias vegnan convocadas sin giavisch dalla suprastonza u sch'in tschunavel dallas commembras pretenda quei en scret.
Invitaziun Propostas	Art. 7	La suprastonza fa in preavis el Fegl official dalla Surselva davart la radunonza generala silmeins quater jamnas ordavon. L'invitaziun [senza gliesta da tractandas] duei era succeder el Fegl official dalla Surselva 15 dis avon la radunonza. L'invitaziun a scret cun la comunicaziun dallas tractandas a tuttas commembras ha da succeder silmeins 10 dis avon la radunonza generala. Propostas buca tractandadas ein d'inoltrar en scret alla presidenta ni co-presidenta sil il pli tard 15 dis avon la radunonza generala.
Cumpetenzza	Art 8	La radunonza generala ei responsabla per las suandontas fatschentas: 8.1 Approbar il rapport annual, il quen annual ed il preventiv, sco era prender encunter il rapport dallas revisuras 8.2 Fixar las contribuziuns annualas 8.3 Eleger treis persunas en suprastonza e duas revisuras da quen 8.4 Tractar propostas 8.5 Tractar las ulteriuras fatschentas che la suprastonza presenta 8.6 Concluder davart la revisiun dils statuts 8.7 Concluder davart la dissoluziun dall'uniun
Elecziuns Votaziuns	Art. 9	Tier las elecziuns e votaziuns decida, cun excepziun dad art. 24 e art. 25, la maioritad simpla dallas commembras presentas. En cass d'egualitad dallas vuschs ha la presidenta la vusch decisiva. Tut las elecziuns e votaziuns succedan cun alzar il maun, num che la maioritad dallas commembras presentas pretendi in scrutini.
Protocol	Art. 10	Il protocol vegn en principi redigius dalla suprastonza ni d'ina actuara dil di. Las commembras san dumandar la presidenta / la co-presidenta il protocol 20 dis sunter la radunonza generala. Recuors ein d'inoltrar en scret enteifer 60 dis sunter la radunonza generala. En l'emprema sesida sequenta approbescha la suprastonza il protocol.

## **B la suprastonza**

Cumposiziun	Art. 11	La suprastonza cumpeglia treis commembras e secumpona suandantamain: presidenta, co-presidenta, cassiera. La suprastonza organisescha sesezza.
Temps d'uffeci	Art. 12	Las commembras dalla suprastonza vegnan elegidas per in temps da dus onns. Ellas ein reelegiblas. Il temps d'uffeci ei limitaui sin otg onns.
Conslus	Art. 13	La suprastonza sa prender conclus mo sche tuttas treis personas ein presentas. La presidenta / la co-presidenta envida en scret alla seduta da suprastonza cun comunicar la gliesta da tractandas silmeins otg dis avon.
Incumbensas	Art. 14	La suprastonza ei responsabla per tut las fatschentas currentas, num che quellas seigien resalvadas alla radunonza generala, surtut per:  14.1 representar l'uniun anoviars 14.2 menar las fatschentas currentas 14.3 risguardar ils intents ed exequir las incumbensas numnadas sut art. 2 ed art. 3 14.4 planisar e realisar il program annual e las ulteriuras activitads dall'uniun 14.5 preparar la radunonza generala ed eventualas revisiuns dils statuts 14.6 numnar ed accompagnar ils ressorts, il secretariat e la pagina d'internet e fixar lur incumbensas 14.7 fundar ed accompagnar gruppaziuns specialas enteifer l'uniun 14.8 fixar, tenor basegns, reglaments e directives 14.9 far lavur da medias e d'informaziun 14.10 tgirar regularmein il contact cun l'Uniun catolica da dunnas dil Grischun UCDG e cun l'Uniun svizra da las dunnas catolicas USDC
Rectificar suttascripziuns	Art. 15	Il dretg da suttascriver giuridicamain valeivel per l'uniun cumpeta en in collectiv da dus alla presidenta ed alla co-presidenta.

## **C las revisuras da quen**

Incumbensa	Art 16	Las revisuras da quen examineschan il quen annual e la facultad dall' uniun. Ellas redegian in rapport a scret per mauns dalla radunonza generala. Lur temps d'uffeci corrispunda a quella dallas commembras da suprastonza.
------------	--------	---

## V. Finanzas

Mieds finanziaals	Art 17	Ils mieds finanziaals dall'uniun secumponan suandantamein: 17.1 contribuziuns annualas dallas commembras 17.2 contribuziuns dad instituziuns 17.3 entradas d'acziuns e collectas 17.4 donaziuns e legats 17.5 facultad existenta e ses recavs Igl onn da gestiun corrispunda agl onn calendar.
Contribuziuns annualas	Art. 18	La radunonza generala fixescha mintg'onn las contribuziuns annualas che las commembras han da pagar. Dunnas che s'engaschan en suprastonza, els ressorts, pagina d'internet e secretariat pagan negina contribuziun annuala.
Cassiera	Art. 19	La cassiera ei responsabla per la cassa da l'uniun, meina la contabilitad, controllescha il preventiv ed administrescha la facultad. Ella elavura il quen annual ed il preventiv per mauns dalla suprastonza. Las fatschentas finanziaalas currentas po ella suttascriver suletta. Las ulteriuras fatschentas sto ella suttascriver ensemen cun la presidenta ni cun la co-presidenta.
Expensas supplementaras	Art. 20	Per expensas nunprevidas egl onn da gestiun, sa la suprastonza decider d'ina summa annuala da maximalmein 10 % dalla facultad dall'uniun dils 31.12. digl onn precedent.
Indemnisaziun	Art. 21	La collavuraziun en suprastonza ed en tut ils gremis dall'uniun succeda da principi gratuitamain, spesas vegnan indemnisadas. La suprastanza fixescha in reglament correspondent.
Responsabladad	Art. 22	Per las obligaziuns dall'uniun stat sulettamein la facultad dall'uniun buna.
Contribuziun alla uniun cantunala	Art. 23	L'uniun paga all'Uniun catolica da dunnas dil Grischun UCDG la contribuziun da commembra che quella ha fixau a sia radunonza da delegadas.

## VI. Disposiziuns finalas

Modificaziuns statuts	Art. 24	Per midar ils statuts drov' ei dus tiarzs dallas vuschs dallas commembras presentas alla radunonza generala.
Dissoluziun uniun	Art. 25	Per dissolver l'uniun drov' ei dus tiarzs dallas vuschs dallas commembras presentas alla radunonza generala. La suprastanza sto comunicar ordavon ina proposta correspondent a la radunonza dall'Uniun catolica da dunnas dil Grischun UCDG.
Utilisaziun facultad	Art. 26	Sche l'uniun vegn dissolvida, vegn la facultad investida sut surviglianza d'ina banca a Disentis/Mustér. Sch'ei vegn enteifer 5 onns buca fundau ina nova uniun successura, obtegn ina ovra sociala en favur da dunnas/affons la facultad.

Quests statuts ein vegni approvai dalla radunanza generala dils 27 da schaner 2016. Els remplazzan las disposiziuns anteriuras ed entran immediat en vigur.

La presidenta:  
Katrin Pally

La co-presidenta:  
Christina Làbas

